

P R A E F A T I O

index satis magnus, in quo ostenditur, ab *H. Stephano* multas pro lectionibus variis allatas et venditas esse glossas, et notae sunt longe pleniores. Accessere etiam *Aem. Por-ti* notae et Index copiosus graecorum verborum. Sed ille textum fere concinnauit ex libris editis *Ald.*, *Castalionis* et *Stephaniana prima*, in auxilium vocato *Stobaeo* et ingenio, variis lectionibus, etiam coniecturis, tum suis, tum *Stephanianis*, in margine interiori positis.

Sed ante Leonclauium ediderat Xenophontis opera *H. Stephanus* Parisiis 1561, cuius editionis exemplum in manibus fuit, cum primum hos libros edebamus, e bibliotheca nostra Paulina. In ea editione curanda vsus erat primum lectionibus librorum scriptorum, quas *Henricus Scrimgerus* collegerat in itinere per Italiam facto, deinde libris editis, *Aldino* et *Iuntino*: e quibus delegit et textui intulit, quae recta ipsi videbantur, ceteris pro variis lectionibus in marginem reiectis. In altera autem, quae a. 1581 prodiit, et textum retractauit, nullis nouis praesidiis instructus, praeter Leonclauianam editionem, et adnotationes tum auxit, etiam locis pluribus veterum scriptorum commemorandis, qui e Xenophontis libris aliquid attulerunt, tum multis locis accuratius scripsit, vsus viro- rum doctorum admonitionibus. Nec tamen satisfecit Leonclauio, vt ante diximus; qui in notis editionis vltimae saepe, interdum vehementius, contra eum disputat. Sed habebat Leonclauius aliquid aegritudinis aduersus Stephanum ex eo, quod recensio- nem illius secundam,* ad se, vt ederet, mis- sam, suppresserat, vt ex notis Leonclauianis patet et praefatione Sylburgii. Nobis quidem textus *H. Stephani* secundus melior ceterorum recensio- nibus videtur.

Post hos, Leonclauium et Stephanum, nemo noui textus Xenophontii auctor extitit idoneus. Nam *Welfiani* quidem textus noua forma est, sed ea parum idonea. Nam nullam certam legem secutus auctor *Welfius*, plura de
Leon-

* Noli haec accipere de recensione textus graeci, sed de versione Latina quorundam libellorum Xenophontis. Z.